

MINISTRO BEKE A INAUGURA MUSEO ANTIQUEDAD



ORANJESTAD(AAN): E museo nobo Museo Antiquedad a wordo inaugura oficialmente diaheubs ultimo dor di Lily Beke, ministro encarga cu Asuntonan Cultural. E museo aki ta situa den Timbalstraat 11 na Tarabana. E ta resultado di aanan di dedicacion na conservacion di nos cultura di e pareha Mario y Ines Odor. E pareha aki a sacrifica hopi di nan tempo pa recorri henter nos isla pa asina colec-

ciona tur locual tin di haber cu cultura di Aruba. E resultado ta un coleccion grandi di fosilnan, articulonan di origen indjan y tambe di cosnan cu antes tabata wordo usa dor di nos madushi y padushinan. Ministro Beke a felicita e pareha Odor cu nan museo y a gradici nan pa nan aporte pa yuda conserva nos valornan cultural. Mes ora e a haci un suplica na tanto mayornan como maestro-

nan pa trese nos hobennan pa un bishita na e museo. Asina nan tambe por sera conoci cu parti di nos historia. Museo Antiquedad ta habri tur dia y e famia na qualquier ora ta disponibel pa ricibi bishitante y duna spli-cacion.